



MARA EVANGELICAL CHURCH

VACHHUH

MONTHLY NEWSLETTER



Volume 28

Monthly Newsletter

December 1, 2021

Editorial

Chatawhcha Abeipa cha ama hmiakô liata sie ta, nohchho ta ameitôh aduapa ta chhitha ei ta, zâna chata âmo pakhai awpa ta meitôh ta a chhi ei ta, chhô nata zâ cha ama sie thei lymâ nawpa ta (Pua. 13:21).

Khazohpa hmotao theina ta atakô 2021 cha siepahlie thei awpa ta maniah a chhitha haw. Khazohpa ta Izarel sahlaozy cha kô 40 chhôn râhpathohpa liata ameitôh nata meitôh hmâpa ta achhithapa hawh tlai ta a châ.

Izarel kô 40 chhôn siena lâpi he lâthlô khochhihpa châ vei, rairuna nata rietheina lâthlô a châ. Chariahpa hluhpi siepahlie a byuh ta, Tilaipi saihipa chaka a byuh ta Zawdah chavah chaka a byuh. Para râhpathopa a châpa vâta ti do awpa y leina lâthlô a châ. Râhpathopa liata khihtlypa a châpa vâta niedo nata chyhsiazzy chalei awpa y vei. Rairuna hluhpi hry liata Khazohpa ta nohchhôn châta ameitôh, zâ châta meitôh ta a chhi tha ei. Nie awpa ama hnei lei nota Mana pie eita, ti do awpa ama hnei lei nota alôpanô tawhta ti a pie ei. Chariah a dyuhkhei eita, tlâ leipa ta ama y nota chhao Dawh Parih chaluahpa ta a patlâh ei. Ama chysiazzy nata ama pheikyzy cha kô 40 chhôn pachysa leipa ta a ualuapa ta a paysa. Cha tlai cha Khazohpa hmotaotheina eima tahpa cha a châ.

Atakô 2021 liata Myanmar zawpizy pi ta rairuna eima tyh hmeiseih. February 1, 2021 tawhta Pheisaih beipa ta sawhkhâna a lâ tawhta zawpizy riethei ama tao pathao. Khipi to liata sawkhâ adyuna lâthlô a chhihpa châ ta, luh viapazy cha patupa ta lô patâh lymâpa a châ. Cha hry liata Mara saw lô patâhpa y tla mapi. Cha tawhta CDM taopa ta sawhkha a dyuhna tao heihpa châ ta, Mara saw cha sawhkha raihriapa ama hluh thlâ bao naita chahrasala ahyhmâ ta riepateipa châ mapi. CDF tao heihpa châ ta, adyuhnazy khipi liata vaw y lymâ ta, cha liata Mindat, Kalay, Hakha, Thatla, Matupi nata Razua liata a ypa Mara sawzy riethei ama tao ngâsâ. Marasawzy tlai ta, hrianaoh a chabapa ta adyuhna ama vaw tao tawh cha pheisaih yna Lialaipi nata Sabyh khizy cha adyuhna vaw y sala ama o nata lyu zy a râsaipa ta paraoparipa châ pathlei khiah maw

tahpa chihuhna ta eima vaw sie lymâ. Chahrasala, eima râh liata adyuhna y leipa sala, thisaih lona y hra kha se tahpa Awnanopa palôh phao nata thlachhana hawhta atanoh taih pahlôhpa ta eima y. Khazohpa hmotaotheina a châ.

Kao hro lâ tawhta Covid-19 cha kô 2 chata kô 2 chhôn zawpi rie maniah pathei haw ta, cha liata Myanmar chyhsa hluhpi hrona a vaw pahlei haw. A eih viapa ta pastor hrona hluhpi a vaw pahlei haw. Keimo Mara saw tlai chhao eima hlao hra, pei eima tah hmeiseih! Marara liata deikua, MCPC nata khi to Covid-19 Boardzy tiamana nata hriapasana Khazohpa byhnâ vaw pie ta, hri deikua November 2021 tawhta hmô pathaopa châ ta, atanoh thikheina taih vaw châ hrao mâh vei. Khazohpa vai pabohsana a châ.

Chavâta kô chhôn eima vaw siena he hnôh lâ a heipa ta eima sai tita, thla 12 chhôn Khazohpa ta Izarelzy ameitôhpa nata meitôhpa ta a chhithapa hawhta maniah vaw chhitha haw ta Zisu Krista pina daihti Krismas thla eima vaw tlô thei haw. He liata Krismas Biepipa “Khazohpa châta hmo khapa rai tao thei leipa y vei” tahpa eima hrokhei papua haw. Eima râh zawpi lâhpazy hlâta khapa eima châ viapa vâta châ hlei taraw mapi. Khazohpa hmotaotheina ta chhitha pabohsapa eima châpa he ano ngiachhiena nata kyhpachâna vâta deita a châ, Amen.

MEC-ECM Joint Committee

Kô 2 chhôn Covid-19 vâta ama hnei thei khao leipa MEC-ECM Joint Committee Meeting cha November 20, 2021 liata hneipa a châ. Cha liata atlôtheipazy cha:

1. Rev. B. Beilua (Moderator- ECM)
2. Rev. T. Salaw (Moderator Elect – ECM)
3. Rev. Vanlal Ngaia Hlychho
(Senior Executive Secretary- ECM)
4. Rev. Pheitha (ES, Mission –ECM)
5. Machâ C1 Khulua (Statistician – ECM)
6. Mch. Thase Azyuh (Assembly Secretary Jr– ECM)
7. Rev. C. Sitlô (Dy. Moderator - MEC)
8. Rev. Dr. L.B. Siama (General Secretary – MEC)
9. Rev. A. Rakhai (ES, Mission – MEC)
10. Mch. Zasaw (Treasurer – MEC)

Biereipa bietlahpipazy cha:

1. Rev. R.A Lorrain Mothli Tlana Thlachhana pahyna kyh
2. EM Budget he lakh 20 lâta pakia via awpa
3. Notla Mara lâta abohna su a tluapa Awnanopa MEC memberzy he ECM awnanopa ama yna liata aly pangia ta mohôh awpa kyh
4. Sittwe liata ECM a hneipa alei su liata o sa awpa
5. Lemaro Chin field he kô 50 tlohna atheithlahna ta Lemaro Chin Supaevisor Office he ECM – MEC Joint ta sakhei awpa kyh zy a châ.
6. Bie lôhawhpa liata reipa liata hawtizy school kiana kyh he Burma râh liata

Nôpaw nawh he Saiha ama tlô chhôn ta MTP Headquarters Siaha nata MADC zy nata eima râh buana azaopa ta biehnaituhta nôpaw thokhazy nata ahmôna ama hnei. Cha liata ama rei chaipa cha atahma hlâta sawhkha riarina vâta Notla Marara lâta a sie penawh mohôhna nata deichhyna kyh zy, nata eima râh liata adyuhnazy, thisaih lonazy, meitheih nata bomb pyu parosa lei awpa palôhphaozy ama palâsa hra.

Church Council, USA nata Zoom Meeting

MEC nôpawzy cha Siaha khihpi tawhta Church Council nata Zoom Meeting November 21, 2021 ta hneipa châ ta, cha liata kô chhôn sôh a vaw sie thai khao leipazy paphaona kyh nata USA liata MEC awnanopazy atyuduana kyh zy reina ama hnei tahpa bie daopa a châ. Cha liata Church Council tawhta a vaw kiah theipazy cha:

- | | |
|-------------------------|---------------------|
| 1. Mch. Bie U | Chairman |
| 2. Machâ Kela | Vice Chairman |
| 3. Chô u Hlychho | Secretary |
| 4. Machâ K. Zahu | Assistant Secretary |
| 5. Rev. Hrato | Member |
| 6. Rev. Khaitha | Member |
| 7. Rev. Caleb Zawkhai | Member |
| 8. Rev. Hietha | Member |
| 9. Rev. Aukô | Member |
| 10. Pro. John Bawi Nawl | Member |

Rev. R. A Lorrain Mothlih Tlana Thlachhana O Pahy ba aw.

Rev. R. A. Lorrain Mothlih Tlana Thlachhana O, L. Pakao Project he MEC_ECM Joint ta hmah a la haipa a châ. Thlachhana su he sadô kawh viapa ta hneipa a peimawhpa vâta Pinô Khaiche chhônkhaha ta a saipa ta maniah ama piepa a châ. A chhôn liata Achhyna o nata khichhai bu miano sapa a châ. Achhyna o foundation cha May 19, 2019 noh Rev. T Salaw (ES, Mission, ECM) nata Rev. Victor Ve u (AGS, MEC) zy ta pabuna hnei ei ta, Rev. R. A. Lorrain Mothlih Tlana su pahyna programme cha

December 21, 2021 (Hriaheih noh) my 12:00- 04:00 pm likah ta hnei awpa a châ aw. Covid-19 daihti a châpa vâta programme he pakawh thai awpa châ khao mah leipa ta thliena hneipa ta khichhai hrua awpa a châ aw.

- | | |
|-------------------------|---|
| 1. Achhyna o pahytuhta | Rev. B. Beilua
(Moderator, ECM) |
| 2. Khichhai o pahytuhta | Rev. C. Sitlô
(Dy. Moderator, MEC) |
| 3. Short Speech | 1.Rev. Vanlal Ngaia Hlychho
(SES, ECM) |
| 4. Short Speech | 2.Rev. Dr. L. B. Siana
(GS, MEC) |
| 5. Hlapy | 1. ECM Hlapy |
| 6. Hlapy | 2.Chapi Pastor Bia Hlapy |

Marara Niedo Apazaona Lâthlô Paraihna

Pheisaih ta sawhkâna a chahu tawhta eima râh ryureina cha riari pathao ta eima râh chhôn liata eima sievawhna lâthlôzy he mohôtuhta y khao leipa ta Bike nata Motor sievawhna rairuna eima tyh haw. Adyuhna vâta Gangaw nata Pakkoku lâta azaona lâpi a pakhâ thei awpa a châ. Mara sawzy châta niedo eima zy nawpa cha Notla Marara a châpa vâta arylâ hawhta MEC_TSD Joint Committee ta ryhraona a taokhei ta awnanopa nata raihria khohpa a cha. Second Phase he pangoh hawpa châ ta, first phase deikua 95% pangoh haw hraba a châ.

First Phase liata

1. Lialaipei- 9 Mile – Sabyhpi – Sabyh – Hlôma – Kihmu vah Mawtaw lâthlô
2. Lialaipei – Mala–Para – Laki rahri Bike lâthlô
3. Dawlei–Pakao – Chapi râhri Mawtaw lâthlô
4. Lelai – Meisakôtla – Ngephepi Vaihthieh – Ngephepi- Siasi râhri Bike lâthlô

Second Phase

1. Lialaipei – Châli Mawtaw lâthlô
2. Pasai khithieh – Pasai Mawtaw lâthlô
3. Lôvai lâtlei – Lovai Mawtaw lâthlô
4. Aru – Lâki vah Bike lâthlô
5. Lialaita (N)–Lâki vah Bike lâthlô
6. Lialaipei – Pasai Bike lâthlô

Marara Pôpalôpa ta râh châta thlachhana ama hnei

MEC awnanopa ta eima râh Burma râh buana a tlô maih kaw ta, Bâlia thlachhana, Nie lei thlachhana zy hnei tyhpa a châ. Atahma lâ chhao sawhkâ riarina vâta awnanopazy ta thlachha hei awpa a châ. Chavâta Synod chyhu ta noh kha chyhu December 6-12, 2021 Nie leipa ta Bâlia Thlachhana Programme hneipa a châ.

- a. Synod I December 6, 2021 (Monday)
06:00 am - 06:00 pm
- b. Synod II December 7, 2021(Tuesday)
06:00 am - 06:00 pm
- c. Synod III December 8, 2021 (Wednesday)
06:00 am - 06:00 pm
- d. Synod IV December 9, 2021 (Thursday)
06:00 am - 06:00 pm
- e. Synod V December 10, 2021 (Friday)
06:00 am - 06:00 pm
- f. Synod VI December 11, 2021 (Saturday)
06:00 am - 06:00 pm
- g. Synod VII December 12, 2021 (Sunday)
(Foreign) 06:00 am - 06:00 pm

Bâlia Thlachhâna Tlâhpipazy

1. Khazohpa ta Nochhi Marara he chariah adyuh leina râh, abohna râh, nata thlalôhna râh ta a vaw pachâsa thei nawpa
2. Khazohpa ta pheisaih camp yna su Lialaipi nata Sabyh zy liata adyuna a paysa lei nawpa
3. Khazohpa ta Marara liata adyuhna paysa leipa sala, a y pathleipa chhao hrona pahleinazy, thisaih palonazy, o nata lyu paraonazy a paysa lei nawpa
4. Khazohpa ta sawhkhâ riarina daihti a pachhohsa sala, adyuhna a pachhasa thei nawpa
5. Khazohpa ta Myanmar râh liata hrinaoh hmâpa ta adyuhna pachhâsa bâ sala, peisaih sahlaozy, PDF (CDF) sahlaozazy nata thotlâh pheisaih sahlaozy thina a paysa khao lei nawpa
6. Khazohpa ta ryureina riarina daihti liata lô o patâhpazy a vaw papua thei nawpa
7. Khazohpa ta sawhkhâ miano liata chhithatuh nôpawpazy palôrupa panano sala adyaryhna ama vaw tao patoh thei nawpa
8. Khazohpa ta chariah chi vâta o nata lyu siesaiapa ta su hropa lâta abohna su a tluapazy ryhpaohna a pie thei nawpa
9. Khazohpa ta Nochhi Marara liata a pahrâpa zawpizy cha he râh liata ngâchhihpa ta pahrâ theina thlalôhna pie sala, abohna su hropa lâta amâ pasie khao lei nawpa
10. Khazohpa ta eima râh liata Covid-19 hri chareisa khao leipa sala, potlana daihti a pachhâsa chatlie thei nawpa
11. Khazohpa ta niedo rairuna a tyh haipazy châta ryhraona phapa a vaw tao thei nawpa
12. Khazohpa ta 2021 Kristmas he aly kawpa ta maniah pahmâsa thei sala, 2022 Kô Thiehpa thaphapa ta maniah a pangiasa thei nawpa

TPA Sweet December

Kôchhôn riethei rairuna hluhpi siepahliepa ta December Bei Zisu pina daihti châhphapa eima kaw tlô heih theipa vâta eima ly kaw. Chavâta TPA Director Machâ Zaphetha nata a staff zy ta Vao sa 2 thyupa ta patlôpa châ ta kyhchhi cha Sustainable Development Training Center, TPA Office compound liata aly kawpa ta hneipa a châ. Achhuahna cha 1) kôchhôn rietheina maniah a siepahliekhei ta Sweet December Krismas daihti maniah a tlôkheituhpa Khazohpa lâta alyna, 2) Sawhkhâ riarina nata Covid-19 hri chichhihpa zy liata a ypa hriatuhpazy palôhrietheina pathlâkheina zy a châ. Cha kyhchhi cha TPA ta Vao sa no thyu ta, MEC Office liata hriatuhpazy nata ama chhônkhazy, MMM School liata hriatuhpa nata ama chhônkhazy, nata Pastor nawhzy hruapa ta taopa a châ. November zâ ta Barbecue raona ta Sweet December hapa châ ta, December 1, 2021 noh ta Devotion liata Abeipa reithainazy, râh châta thlachhânazy nata hawti machâ zy châta Sport and Games ta hmâpa ta zâlâ dawh 5:00 liata Sweet December Dinner ta programme pachhasapa a châ.

Mararâ nata Lialaipi khih liata sâh a mâh thei chaipazy

Mara sawzy pi he lyuthlyuna ta py â vaw paly tyhpa châ taraw pi ta, khizaw hmâhsiena vâta lyu tao pahâh khao leipa pi ta, Gangaw nata Pakkoku sâh zy eima bôchhâ via ngâ. Atakô cha sawhkhâ riarina vâta niedo eima daihty haw. Chahrasala ngâchhih kawpa ta lyu a tao hualuapazy ama y chy. Atakô 2021 liata Mararâ nata Lialaipi khih liata sâh a mâh thei chaipazy cha arylâ hawhta palâsapa châ ta, TSD tawhta ama chô liata a lyna ta lymâ chhao piepa a châ.

Mara râh chhôn

- | | | |
|-------------------|--------------|-----|
| 1. Kmc. Khaichai | Raritlâh Phi | 630 |
| 2. Puhpa Thiahlie | Raritlâh Phi | 600 |
| 3. Machâ Chhie U | Lialaipi Phi | 570 |

Lialaipi khih

- | | | |
|------------------|---------------------|-----|
| 1. Machâ Chhie U | Lialaipi Vaihpi Phi | 570 |
| 2. Kmc. Tekhaw | Lialaipi Vaihpi Phi | 380 |
| 3. Puhpa Hnaubao | Lialaipi Vaihpi Phi | 340 |

Mission Departmnet

1. 2021 kô he EMM chakaona liata Awnanopazy amâ thlâzi viapa hawhta a châ. Chariah pyu nata khizaw potlana hri-iah chhao field lâ liata a vaw chalih via haw. He chhao he Awnanopazy thlachhana a vaw châ.
2. Lay Myo Chin Field 1970 kô liata eima chakaopa cha o châ chô thei bâ nawpa ta Office sa awpa a vaw byuh ta ECM nata MEC ta 300 lakhs

paryhpa ta Office sakhei awpa thlah eima chha khei awpa ama rei.

- Mission Golden Jubilee khai tawhta Awnanopa ta Mission chakaona liata ngiapâuhpa papôhna hlâta Awnanopa Local paduana, Local pa-ina lâta tha patlô awpa thlah eima chhâ khei chy pa a châ.
- Atanoh taih hlao chhao Awnanopa ta apie thei lymâ. Nôpaw penawh phusa patutuh penawh tao phana chhao a châ hra.

Eima Khazohpa ta Mission chakaona liata hmopiena, sôh thyuna, thlahchhana nata eima chakaona chyuta byhnâ khâ apie lymâ! ABeipa liata khâ aly suh vy!

KTP Department

- Atakô Covid-19 nata râh buana vâta zawpi rairu riethei chy pita, riethei rairu chaipazy he keimo thyutliazy eima châ chai aw. Covid-19 hri tawhta aboh thei nawpa ta khi chy liata raihria chaipazy he thyutliazy eima châ Myanmar râh buana vaw y heih ta, cha liata raihria chaipazy chhao keimo thyutliazy eima châ. ABeipa moh vâta eima riethiena deikua alyna a vaw châ cheingei aw.
- 6 November -20 December 2021 cha KTP “Praise & Woship Team” râh chahlôna noh nata daihti châta raopa châ taraw ta, Covid-19 nata eima râh thâthih vâta chalihsapa a châ haw.
- KTP CC ryureina cha Covid-19 nata râh ziza apha leipa vâta pakhyi hawhta taopa châ khao aw vei. Ryureina deita taopa châ aw ta, Local sâkha (1) tawhta mopakha (1)chyu ta ryureina kiahpa a châ aw.

KHP ta 2021 Krismas ama chhuahdy

Aru local KHP department ta eima tlô awpa 2021 Krismas cha ama chhuahdy. He hawhta KHP sahlao ta Krismas zy ama chhuahdypa he eima thei bâ leipa châ ta, tha ta eima lykhei hmeiseih. Atahma he KHP Luhpazy nata sahlao zy cha tiama kawpa ta rai ama hria haina daihti a vaw châ. Ama chhuahnazy hlaotlôna hmô thei nawpa nata Khazohpa ta KHP sahlao zydua khoipasana he byhna pie mawhsy. Bei Zisu daihti liata hawtipa ku liata viachha nata nga ta chyhsa sapangawh nie apiepa hawhta a châ. Khazohpa châta hmo khapa rai tao thei leipa y vei, tahpa biepipa he Khazohpa ta byhnâ a pie hmeiseih. Krismas biepipa he eima râh châta byhnâ châ mawh sy.

Awnanopa kychchi pahnosana

Meeting	Tlôpaki noh	Meeting Noh	Pai noh	Asu
Synod	Jan 6 (Thur)	Jan 7 (Fri)	Jan 8 (Sat)	
Local Audit		Jan 14-15 (Fri-Sat)		

KHP Conf.	Jan 13 (Thu)	Jan 14 (Fri)	Jan 15 (Sat)	L.Stat ion
KPP Conf.	Jan 13 (Thu)	Jan 14 (Fri)	Jan 15 (Mon)	Imma nuel
Pastoral	Jan 15 (Sat)	Jan 17-18 (Mon-Tue)	Jan 19 (Wed)	SBP
SDD	Jan 18 (Tue)	Jan 19 (Wed)	Jan 20 (Thu)	SBP
Social	Jan 19 (Wed)	Jan 20 (Thu)	Jan 21 (Thu)	SBP
Education	Jan 20 (Thu)	Jan 21 (Fri)	Jan 22 (Sat)	SBP
KTP Conf.	Jan 20 (Thu)	Jan 21 (Fri)	Jan 22 (Sat)	Saba wngpi
Mission	Jan 25 (Tue)	Jan 26-27 (Wed, Thu)	Jan 28 (Fri)	LLP (A)
KNP Conf.	Jan 27 (Thu)	Jan 28 (Fri)	Jan 29 (Sat)	LLP A
Internal Audit	Jan 27 (Thu)	Jan 28-31 (Fri-Mon)		LLP (Offic e)
Audit	Jan 31(Mon)	Feb. 1-4 (Tue-Fri)	Feb. 5 (Sat)	LLP (Offic e)
Finance	Feb. 8 (Tue)	Feb. 9 (Wed)	Jan 10 (Thu)	L. Statio n
AMC	Feb. 10 (Thu)	Feb. 11 (Fri)	Feb. 12 (Sat)	L. Statio n
AEC Meeting	March 3 (Thu)	March 4-6 (Fri-Sun)	March 7 (Mon)	Lialai pi A

Krismas & Kô Thiehpa Samawh

**Kô 2021
Krimas
he
lypa ta vaw hmâh u la,
&
Kô Thiehpa
2022
chhao he
palôtlâhpa ta
vaw hmâh chy muh vy**

